



# **Universitätsbibliothek Paderborn**

**De Ervditione Religiosorvm**

**Humbertus <de Romanis>**

**Ingolstadii, 1591**

**VD16 H 5888**

15. De meditationibus, quibus feira quinta est vacandum post matutinorum expletionem.

[urn:nbn:de:hbz:466:1-50980](https://nbn-resolving.de/urn:nbn:de:hbz:466:1-50980)

tot & tanta commisi, quantarum sum reus poenarum, iustissime reus sum damnationis eternæ, obnoxius enim sum omni supplicio, & indignus omni beneficio. Itaque his verbis autilibus ex intimis præcordijs prolatis, humili coram Domino animam tuam, ante cuius es cōspectum. Nam cūm orationi intendis, firmiter debes credere te esse coram Domino, & quod te magis mortis æternæ reum iudicaueris & intrate humiliatus fueris, eo citius absolutus eris & in altiori statu subleuaberis. itaque dolore compunctus erige per spem animam tuam: & fiducia veniam consequendi, deuotè forma orationem in intimis cordis tui assumens personam rei, & humilitatis & timoris affectu, tuas calamitates & miseras recognoscēs, implora diuinam misericordiam: & age gratias eius contemplans beneficia, secundū quod dictū est in alijs ferijs.

IN QVIBVS MEDITATIONIBVS DEbet religiosus exerceri feria quinta post matutinalem synaxim.

### C A P V T X V .

**F**eria quinta constitutus in loco orationis deputato, armans te sacro crucis vexillo collecto spiritu, sicut patuit feria secunda sic formabis meditationes circa finale iudicium.

ATTENDE quantus erit terror, cum illam Archangeli tubam, & illa tam terribilia signonitruorum & fulgurum audient, & videbunt peccatores. Turbabuntur horrore terribili ultra quam dici potest.

ATTEN-

ATTENDE iusti iudicis iram implacabilem:  
qui veniet contra eos qui eum offenderunt: &  
quantum illi reprobi terrebuntur.

Amarissimum illud diuortium: cum iusti hu-  
miles & mansueti ponentur à dextris, superbi  
autem inuidi & luxuriosi à sinistris, nunquam  
de cætero coniungendi.

Quantus tremor, quantus terror, quanta ad-  
miratio erit tunc superbis & elatis, cùm se hu-  
miliatos, abiectos, pauperes, viles & despectos  
viderint: & quos viles reputabant, in gloria à  
dextris Christi astare conspexerint? vnde & præ  
dolore intra semetipso dicent, Isti sunt quos a-  
liquando habuimus in derisum. Et è contrario,  
iusti stabunt in magna constantia aduersus eos,  
qui se augustiauerunt.

Quomodo ibi omnium operum & cogita-  
tionum est reddenda ratio. Illic Hierusalem  
scrutabitur in lucernis, hoc est, illi qui nunc vi-  
dentur sancti, ibi examinabuntur, & quicquid  
in eis latebat, illic clare patebit: testes erunt An-  
geli & Dæmones: qui ostensi sunt nobis quæ  
fecimus mala, tempus pariter, & locum. Propria  
quoque peccata & totus mundus, peccatores  
accusabunt.

ATTENDE quomodo Christus insignia pas-  
sionis suæ ostenderet: & malis suæ incarnationis  
beneficia improperabit, quia eum contempse-  
runt.

Illam tam terribilem & irreuocabilem sen-  
tentiam, cum dicturus est: Ite maledicti in igne  
æternum.

Dulcissimum conuiuium æternæ cœnæ ad  
e 5 quam

quam vocandi sunt iusti illis suauissimis verbis  
Venite benedicti Patris mei percipite regnum,  
quod paratum est vobis ab origine mundi.

Quantum Deo placent opera misericordiz  
& pietatis : cum sola ea Christus redemptor no-  
ster in iudicio allegare videatur,

Quomodo iusti ibunt in vitam eternam, ma-  
li autem ad æterna tormenta. Et ista duoloc  
scilicet Paradisus & infernus propter interpo-  
situm magnum chaos, in æternum permane-  
bunt diuisa. Stimulata igitur frater conscientia  
tua per supra positam meditationem, verecor-  
tuum ad Dominum, & dices; O Domine quis  
euadere poterit illud tam iustum & tam me-  
mendum iudicium? O Domine non intres in  
iudicium cum seruo tuo, quia non iustificabi-  
tur in conspectu tuo omnis viuens. Et per ha-  
verba vel similia, forma orationem ut supra  
patuit.

QVAE COGITANDA SVNT FERIA  
*sexta post matutinorum officium.*

CAPVT XVI.

POstquam feria sexta ad oratorium veneri  
& te crucis signo munieris, collecto spiritu  
prout supra dictum est feria secunda, forma-  
tas meditationes, quomodo scilicet Redemp-  
tor noster in horto orabat. & ac si ibi præsens essemus  
debes considerare

QVOMODO consummata cœna in Hiero-  
salem in cœnaculo in monte Syon egressus  
cum discipulis suis in hortum.